

Die vnbedeutliche figur wirt von etlichen
Rechmeistern genant ein Nulla/ dan / für
sich selbst/ allaine/ bedeut sie nichte/ so sie
aber bey einer andern figur vn̄ bedeutliche
steht/ macht sie die selbige mehr bedeutten.
Als/ 1 bedeut eins/ setz ein o dar für also 10
130 bedeut es zehen/ 2 bedeut zway/ 20 be-
deut zwanzig zc. Die bedeutung der neun
figur̄n k̄homet am meisten auß irer ordnūg
Dieweil muh̄n die ordnung also betracht sol
werden / soltu wissen/ das die ordnung der
zal sich anhebt bey der rechten handt/ vnd
natürlich sich zu der lincken k̄hert. dan die
zal ist vonn den Hebreern vnd Chaldeern
erfunden/ wellech ire schrift auch von der
rechtē natürlich zu der lincken schreiben vn̄
lesenn. Ich sprich es sey ein natürliche be-
weglichait/ von der rechten zu der lincken/
dann so wir etwo ein ding anblicken zu be-
schawen/ bewegn sich natürlich vn̄sere aus-
gen vonn der rechten zu der lincken / Auch
sehen wirs bey dē ackerleutn auff dez feldt/
das sie das korn vnd andere samen seen von
der rechten zu der lincken / desgleichen ge-
schicht auch alle beweglichheit mit schlagē
haben/ vnd werffen/ von der rechten zu der
lincken. darumb haiß ich das (dieweil vns